



ORDINIS IVRE CONSVLTORVM

IN
ACADEMIA HALLENSI

1729, 13^b

H. T.

DECANVS

SIMON PETRVS
GASSERVS, ICT.

POTENTISSIMO BORVSSIAE REGI A CON-
SILIIS INTIMIS VT ET BELLICIS ET DOMA-
NIAL. IVRIVM ET RERVM OECONOMICOCA-
MERALIVM PROFESSOR ORDINARIVS SCABI-
NATVS IN DVCATV MAGDEBVRGICO
ADSESSOR

LECTORI BENEVOLO

S. P. D.



ACADEMIAE
SACRAE
LITTERARUM
MAGNAE
SAXONICAE
PRAESIDIUM

SIMPSON
GROVE
1811

LEONARD B. WOLFE





Religiosi ac veri Icti officium in republica æque necessarium esse ac medici ægroto, nemo forte negabit; eo enim posthabito, nequissimus quisque, cui opes, potentia, technæ linguæque procacia in promptu, virum probum, bonum hisque armis haud instructum adeoque inermem pro arbitrio ac lubitu indignis modis tractare, spoliare ac tantum non eliminare poterit. Inde Cicero *Lib. I. de oratore*: Non enim causidicum neque proclamatorem aut rabulam hoc sermone nostro conquirimus, sed eum virum, qui primum sit eius artis *antistes*, qui scelus fraudemque nocentis possit supplicio constringere, idemque ingenii præsidio innocentiam iudiciorum poena liberare: idemque languentem, labentemque populum aut ad decus excitare, aut ab errore deducere, aut inflammare in improbos, aut incitatum in bonos mitigare: Et paulo post: Sin autem quæreretur, quisnam iurisconsultus vere nominaretur: eum dicerem, qui legum & consuetudinis eius, qua priuati in ciuitate vterentur, & ad respondendum & ad a-

)(2

gen-

gendum & ad cauendum peritus esset ; Hinc multa
 elogia Ictorum apud scriptores consignata leges,
 cumprimis vero ad sacerdotes *in l. 1. §. 1. ff. de iust. &
 iur.* haud incongrue referuntur; ad quam legem in-
 ter Kleinii dissertationes speciatim quædam de officio
 Iurisconsultorum sacerdotali typis exscripta est ; Et
 certe egregie de hoc argumento Seneca in Epist. 113.
 Doccat me, quam sacra res sit iustitia alienum bonum
 spectans, nihil ex se expetens nisi usum sui. Nil sit
 illi cum ambitione famaue. Hoc ante omnia sibi
 quisque persuadeat : Me iustum esse gratis oportet.
 Parum est, adhuc illud persuadeat sibi: Me in hanc
 pulcherrimam virtutem vltro etiam impendere iuuat:
 ut tota cogitatio a priuatis commodis quam longis-
 sime auersa sit. Illud adhuc tibi affige, quod paulo
 ante dicebam : nihil ad rem pertinet, quam multi
 æquitatem tuam nouerint. Qui virtutem suam publi-
 cari vult, non virtuti laborat sed gloria. Non vis
 esse iustus sine gloria? At me hercle! sæpe iustus esse
 debes cum infamia. Et tunc si sapis, *Mala opinio be-
 ne parva deletat.* Euimvero ut hæc christiano haud
 indigna sint verba, tamen in Definitione iustitiæ &
 quando alias de virtutibus de iustitia & iure præsci
 Icti ac Philosophi sat prolixè scripserunt, non pote-
 rant non cœcutire, utpote qui lumine reuelationis
 carebant ; id quod Pater Quenellius in præfatio-
 ne ad Epistolam Pauli ad Romanos, luculenter ac do-
 cte demonstrat, ostendens primarium scopum Apo-
 stoli in hac epistola fuisse, ut cœtra deprauatam le-
 gem moralem ethnicorum differeret ac sua effata pro-
 fer-

ferret, sicuti alias in scriptis suis legem ceremoniam Iudæorum maxime impugnaverit; Verum utcunque hæc se habent, officium Iuris Consulti apud Romanos, quorum iura adoptauimus, honestissimum erat ad quod quiuvis e meliori luto adspirare sibi laudi ducebat: Militiæ enim aut eloquentiæ tentanda erat via, qua quis se posset tollere humo: at Orator & Iurisconsultus idem est, quoniam tunc temporis pro conditione reipublicæ liberæ, Icti seu aduocati maximum ornamentum in eloquio consistebat, & vix a Icti partibus, sicuti paulo ante citata verba Ciceronis euincunt, seiunctum esse poterat. Quod vero deinde maxime post tempora Augusti usque eo euiluerit officium hoc sacerdotale Ictorum, ut passim ac propalam contemptui esset, hæc erat causa, quod in republica ipsa iam summa imis misceri cœperant: literæ, artes, bonique mores vilipendebantur, quilibet erat curator sui, & proinde pro veris doctisque Ictis nonnisi caussidici, rabulæ hominesque garruli existebant, quibus ad forum transcurrere, rixas & discordias ferere, ac in turba lucellum quærere, non erat turpe; Sed non est ut ad hæc duntaxat tempora cogitationes nostras dirigamus; Quis enim ignorat, quam parum fidei, & hoc quo vivimus ævo, attribuat huius vitæ generi addictis, ita ut Ictus & homo irreligiosus fere idem sit vulgo; At sicuti hæc convicia eos solum tangunt, qui Icti officium sacerdotale mentiuntur, de cetero vero vultures togatos agunt; Ita nullo non tempore ad honestam spem erectæ erunt mentes, ministri iustitiæ, quibus in recto

decus consistet ac tutamen, qui postliminio quasi antiquam fidem, sacerdotalem dignitatem ac sancta illa iura ordini suo asserant ac vindicent, in quem honestissimum numerum merito suo referendus est

Prenobilissimus ac Doctissimus Dominus

**IACOBVS BENEDICTVS
WINCKLERVS,**

Autor Dissertationis praesentis; natus hic est Lipsiae die 24. Octob. anno 1699. Patre, GEORGIO WINCKLERO, hereditario in Döelitz, Stüntz & Starstedel, *Serenissimi ac Potentissimi Poloniarum Regis a Consiliis, nec non consule Lipsiensi meritissimo, grauisimo*, matre MARIA ELISABETHA WINCKLERIA, nata de BERGER; quorum parentum cura & ductu ingenium, quod capacissimum sortitus est, primum in scholis priuatis, optimis quibusuis electis praceptoribus, iis artibus ac disciplinis, quae ad uerum cultum mentis & solidam eruditionem ducunt, felicissime impleuit: Sic bene firmatis fundamentis, vt maiora superstruerentur par erat omnino, idcirco *hic Noster* anno decimo septimo in Academiam Witenbergensem se contulit. ibique praeter ceteris ductoribus ac moderatoribus studiorum usus est, auunculo suo DN. IO. GVIL. de BERGER, *Sacræ & Caesar. Maiestatis & Sereniss. Polon. Regis Consiliario*, a quo Hist. & eloquentiae praecipua haussit; deinde iuris Romani cognitionem a CHRISTOPH. HENR. *Nobili Domino de BERGER; Seren. & Potentiss. Pol. Regis a consiliis aulae & prouocat.*

vocat. & IO. BALTH. WERNHERO, *Ser. ac Pot. Polon. Reg. consiliario aulico & Facult. Iurid. Ordin.* Viris Clarissimis accepit, ac perdidit cupidissime; Tum Lipsiæ redux per omnes partes Iurisprudentiæ, civilis, canonicæ, ac feudalis iuit; Doctore cumprimis Viro famigeratissimo LÜDERO MENCKENIO, *Ordinario Academia Lipsiensis dignissimo*, a QUO ut & a IOHANNE FLOR. RIVINO in doctrinis practicis, cumprimis processus Saxonici institutus est; neque quod ad ius germanicum pertineat, prætermisit, cui in scholis CHRIST. GOD. HOFFMANNI, nunc *Professoris Francofurt. Primarii* operam dedit; pariter Collegia disputatoria, de quo iam specimina extant, frequentavit, atque ita ex omni parte recte institutus ac præparatus peregrina ora vivere libitum est, & primo quidem per Germaniam iter fecit; Ratisbonæ & Vindobonæ apud *Virum Perillustrem* perque orbem literatum Celeberrimum IO. HENR. de BERGER, *Consiliarium Imperialem Aulicum grauisimum*, auunculum suum aliquantum temporis commemoratus, porro transiit in Italiam, fixit pedem Venetiis, Romæ, Neapoli, Florentiæ & Augustæ Taurinorum, Genuæ, Mediolani; Tandem Visis omnibus, quæ digna Visu sunt, virisque quorum in Orbe magnum nomen, salutatis, ac moribus, institutis, legibus harum quas adiit gentium, obseruatis, qui peregrinationum verus vsus est, tandem Viennam reuersus, ibique tempore aliquo exacto apud dictum suum Auunculum, patrios lares Lipsiæ sanus ac sospes reuisit, sicque maturum consilium iniit, summos in utroque iure honores in *Alma hac Fridericiana*

faulsto

fausto sidere capeffendi; ideo nos accessit ac ad consueta Examina admissus est, in quo talem se præstitit, ut unanimiti consensu ad reliqua progymnasinata e-
denda admissus sit. Proinde proximo die Lunæ, quæ erit 14. Mart. horis consuetis *Dissertationem suam Inauguralem ad Leg. Cornel. de Sicariis* publice e Cathedra defensurus est; hanc enim tam erudite conscripsit, ut illibata ipsi reddita sit; cui actui solenni ut *Magnificus Dominus PRO-RECTOR, Illustr. CANCELLARIVS, Illustr. Comites, Barones, Patres Academiae* conscripti, Proceres, Mystæ, Cives Academici, omnesque bonarum literarum æstimatores interesse velint, decentissime inuitantur. Dab. Dom. Reminisc.

M DCC XXIX.





Halle, Diss., 1729 (A-G)

ULB Halle


002 417 944


3



Sb.







ORDINIS IVRE CONSVLTORVM

IN

ACADEMIA HALLENSI

H. T.

DECANVS

SIMON PETRVS
GASSERVS, ICT.

POTENTISSIMO BORVSSIAE REGI A CON-
SILIIS INTIMIS VT ET BELLICIS ET DOMA-
NIAL. IVRIVM ET RERVM OECONOMICOCA-
MERALIVM PROFESSOR ORDINARIVS SCABI-
NATVS IN DVCATV MAGDEBVRGICO
ADSESSOR

LECTORI BENEVOLO

S. P. D.

1729, 13^b